

C A I B. III.

réir gach ní a dh'aithn an Tighearna do Mhaois : mar sin champaich iad laimh r'am brataichibh, agus mar sin chaidh iad air an ághaidh, gach aon a réir an teaghlaichean, a réir tighé an aithreacha.

C A I B. III.

Is iad so mar an ceudna ginealaich Aaroin agus Mhaois, 'san lá anns an do labhair an Tighearna re Maois ann an sliabh Shinaí.

2 Agus *is* iad so ainmean mhac Aaroin ; Nadab an ceudghin, agus Abihu, Eleasar, agus Itamar.

3 *Is* iad sin ainmeanna mhac Aaroin, na sagairt a dh'ungadh, a choisrig e gu frithealadh ann an dreuchd an t-sagairt.

4 Agus fhuair Nadab agus Abihu bás 'an lathair an Tighearna, 'nuair a thug iad suas feine coimheach 'an lathair an Tighearna, ann am fásach Shinaí, agus cha robh clann aca : agus fhrithheil Eleasar agus Itamar ann an dreuchd an t-sagairt, ann an fealladh Aaroin an athar.

5 Agus labhair an Tighearna re Maois, ag ràdh,

6 Thoir treubh Lebhi am fagus, agus taisbein iad 'an lathair Aaroin an t-sagairt, a chum's gu'm fritheil iad dha.

7 Agus gleidhidh iad a chùram-san, agus cùram a' choi-thionail uile air beulaobh pàilliuin a' choi-thionail, a dheanamh feirbhis a' phàilliuin.

8 Agus gleidhidh iad uile choithichean^b pàilliuin a' choi-thionail, agus cùram chloinn Is-

raeil, a dheanamh feirbhis a' phàilliuin.

9 Agus bheir thu na Lebhithich do Aaron agus d'a mhic : *tha* iad air an tabhairt da gu h-iomlan a mach a cloinn Israeil.

10 Agus orduichidh tu Aaron agus a mhic, agus feithidh iad san air dreuchd an t-sagairt : agus an coigreach a thig am fagus, cuirear gu bàs e.

11 Agus labhair an Tighearna re Maois, ag ràdh,

12 Agus mise, feuch, ghabh mi na Lebhithich o mheasg chloinn Israeil, 'an àite a' cheudghin uile a dh'fhosgailas a' bhrù am measg chloinn Israeil : agus is leamfa na Lebhithich ;

13 A chionn gur leamfa gach uile cheudghin ; *oir* air an lá anns an do bhuail mi gach ceudghin ann an tìr na h-Eiphit, naomhaich mi dhomh féin gach ceudghin ann an Israel ; eadar dhuine agus ainmhidh ; is leamfa iad : *Is* mise an Tighearna.

14 Agus labhair an Tighearna re Maois ann am fásach Shinaí, ag ràdh,

15 Aireamh clann Lebhi a réir tighé an aithreacha, a réir an teaghlaichean : gach frionnach o mhìos a dh'aois agus os a cheann, àirmhidh tu iad.

16 Agus dh'aireamh Maois iad a réir focail an Tighearna, mar a thugadh aithne dha.

17 Agus b'iad so mic Lebhi a réir an ainmean ; Gerson agus Cohat, agus Merari.

18 Agus *is* iad so ainmean mhac Gherfoin a réir an teaghlaichean ; Libni agus Simeí.

F f

19 Agus

^a frithealaidh. ^b airneis.